

mengesmerung: (mengesmer`ung)

mengesmerung a mochu
mengesimer; kmeed el
mengesimer.

mengesngekl: (mengesng`ekl)

mengesngekl chisngekl el mo e
mei; nguu a medal el bedul a
bitang e kuk me er a bitang.

mengesoim: (menges`oim)

mengesoim a chosimii; chosoim a
seraub; chosimii a baeb; chesimel.

mengesokes: (menges`okes)

mengesokes a ouemenged el
ousbech a kesokes; kosekesii,
kosokes a meas; kesekesel.

mengesols: (menges`ols)

mengesols a mengitakl; choselsii a
cheselsel a Oreor.

mengesuar: (mengesu`ar) (1)

mengesuar a mengesbad;
mengeleed, mengesuar a medal.

mengesuar: (mengesu`ar) (2)

mengesuar a melai a kesuar.

mengesuart: (mengesu`art)

mengesuart melecha asuart.

mengesuch: (menges`uch) (1)

mengesuch a omais; chusechar,
chusuch a beluu; chesechaol a mla
mengesuch a beluu; chesecholel.

mengesuch: (menges`uch) (2)

mengesuch a chusuch; mengesuch
a ngikel el locha er a iengel;
chusechar, chesechal a ngikel.

mengesuches: (menges`uches)

mengesuches a chusechesii;
merumes; chusuches; chieb a
mengesuches er a medak.

mengesulech: (menges`ulech)

mengesulech a ometech a
chesulech.

mengesuloul: (menges`uloul)

mengesuloul a dmul el chemas;
chosululii, chosuloul a ngikel;
chesululel.

mengensureor: (menges`ureor)

mengensureor a omult er a merekos;
chosureor a miich; chesurel a miich

mengesuseu: (menges`useu)

mengesuseu a mengeluch; osiik a
rolel e nguu; kosuseur el merael.

mengesuul: (menges`uul)

mengesuul a omulak; klsuul a
cheldechedechal.

mengetab: (menget`ab)

mengetab a osiik er a urrebetelel;
charm a mengetab er a luuk.

mengetakl: (menget`akl) (1)

mengetakl a olab er a chimal;
choteklii a til; cheteklel.

mengetakl: (menget`akl) (2)

mengetakl a ngar a chei el ousbech
a chetakl; chotakl a ngikel;
cheteklel.

mengetechat: (mengetech`at) (1)

mengetechat a douchii; rusur,
chotechetir, chotechat a bedengel,
chetechetil.

mengetechat: (mengetech`at) (2)

mengetechat a mengat; ngar er ngii
a chat; chetul, ngau a mengetechat.

mengeteket: (mengetek`et)

mengeteket a omekioud; koteketii
a urreor; koteket a omerael;
keteketel.

mengetekotel: (mengetek`otel)

mengetekotel a klltekotel er ngii;
bereked er ngii.

mengetelakl: (mengetel`akl)

mengetelakl a ngar ngii a klou el
bul; choteleklia a bau; mengetelakl
el bechochod; chetelelel.

mengetelaol: (mengetel`aol)

mengetelaol a chetelaol;
mengedereuar; smecher a
mengetelaol; chotelolii er a rrom;
chetelolel.

mengetelluchel: (mengetell`uchel)

mengetelluchel a meruul er ngii el
mo chetelluchel a ngerel;
chutellechellii a ngerel, chetellechelel.

mengeterbis: (mengeterb`is)

mengeterbis a choterbisur;
choterebis a mesil, chebis a
mengeterebis el meliuekl; cheterbisul.



mengeterochel

mengeterochel: (*mengeter`ochel*)

mengeterochel a diak longeleoch er a ngalek; meterkakl er ngii; choterecheli a ngelekel; cheterchelel.

mengeterrerek: (*mengeterr`erek*)

mengeterrerek a meruul er a ngerel el mo cheterrerek.

mengetiit: (*menget`iit*)

mengetiit a omiich; meleakl; kitiit a klemarang; kitiit a chiuesel a meradel; kititel.

mengetikaik: (*mengetik`aik*)

mengetikaik a mengesuseu el mo sebechel el nguu el merael; choitikikii el mo milil; chetikikel.

mengetiot: (*mengeti`ot*)

mengetiot a chotiot; mengetom; choititii a oles; chetitiel a biskang.

mengetiruir: (*mengetiru`ir*)

mengetiruir a klalo el mengetelaol; ongetiruraol el buuch; meknngit el kar a mengetiruir.

mengetitk: (*menget`itk*)

mengetitk a chitetkii; rumesii, chusechesii, chititkii a mad el oba kedorem; chitetkel.

mengetiut: (*menget`iut*)

mengetiut a chitutii; chitiut a madeldirek; lochang; chitutel.

mengetkat: (*mengetk`at*)

mengetkat a mengerad; kotketir, kotkat a bedengel, kltkat, ketketil.

mengetngaid: (*mengetng`aid*)

mengedngaid a remuul el mesengaked; chetngaid; chetngidel.

mengetoem: (*menget`oem*)

mengetoem a chotemii, mengesechusem; chusechesemii, otoem a mederir er a chas, chetemel.

mengetom: (*menget`om*)

mengetom a remuul el mo ketom; diak le kedorm; mengetiot, kotemengii a oles, kotom a kamang; ketemengel.

mengetukel: (*menget`ukel*)

mengetukl a omeketakl; remuul el mo kltukel; kutukl a llechul a rael.

mengetut: (*menget`ut*) (1)

mengetut a meleliuekl el kmeed; mengetut er a ekebil el soal mo bechil; kututur, ketutul.

mengetut: (*menget`ut*) (2)

diall a mengetut er a medal a beluu; telkib el merael e omak e kuk mo merael.

mengeuid: (*menge`uid*)

mengeuid a choudur; choud a tekoi ngmodech; cheludul.

mengiai: (*mengi`ai*)

mengiai a mengeroid; kedung a mengiai er ngii er a meknngit el kar.

mengiang: (*mengi`ang*)

mengiang a diak le metongakl; ngar er a eou; mengiang el diokang.

mengib: (*meng`ib*)

mengib a chibngii; nguu er a chelechedal; ngmai; chuib a bobai; chebngel.

mengibechib: (*mengibech`ib*)

mengibechib a mengib er a btil; te meloik el mengibechib; chibngii a btil.

mengibeob: (*mengibe`ob*)

mengibiob a omeob; meruul el mo chaibibiob; mengibiob a chimorir, ibeob.

mengibiokl: (*mengibi`okl*)

mengibiokl a medideuekl; merael el mechechibiokl; okiu a chibokill.

mengibirukel: (*mengibir`ukel*)

mengibirukel a meruul a chebirukel el tekoi; chobirekelii a melemalt el cheldechcheduch; remuul a ungil el mo meknngit; chebirekelel.


mengichiil: (*mengich`iil*)

mengichiil a telkib el mengiil; olsingch.

mengichuiu: (*mengich`uiu*)

mengichuiu a telkib el menguiu a babier; omeseues.





- mengid:** (*meng`id*) (1)
mengid a melebes el melemall
a dellomel; chidir, chemid a dait,
dait a chelid.
- mengid:** (*meng`id*) (2)
mengid a mengam er ngii; chidir a
chiklel, chelid el cheukl.
- mengidadeb:** (*mengid`adeb*)
mengidadeb a olekabes; okebesii,
chelidadeb a usekerel; choidadeb a
medal a chelisngull; chidedebel.
- mengideb:** (*meng`ideb*)
mengideb a omekedong er a
rechad el mo kldibel; kidebii a
beluu, mengideb a rechad, kuideb,
kdebel a beluu.
- mengidebaol:** (*mengideb`aol*)
mengidebaol ouchelidebaol;
chelidebaol.
- mengidebdib:** (*mengidebd`ib*)
mengidebdib a mengidebelut;
ouedikel, ngikel a mengidebdib er
a chelsel a chelais.
- mengidebelut:** (*mengidebel`ut*)
mengidebelut a mekudem el
ouedikel; mgeidebdib; ngikel a
mengidebelut er a chelais.
- mengider:** (*meng`ider*) (1)
mengider a omuchel; kmider a
urreor; kiderii a chelitakl; kderel.
- mengider:** (*meng`ider*) (2)
mengider a nguu el mo er a
bab; mengider a telechull, kderel.
- mengidet:** (*meng`idet*)
mengidet a melebes; mengom,
kidetii a llel a tuu; kmidet a bisech,
kdetel.
- mengidobel:** (*mengid`obel*)
mengidobel a chelidobel; orreked;
choidebelii er a demal;
mengidobeler a kerrekar.
- mengidokel:** (*mengid`okel*)
mengidokel a omekidokel; rullii el
mo idokel, duchudech; mekiidek;
mekidekelii; idekelel.
- mengiduid:** (*mengidu`id*)
mengiduid a mengaibibeob er ngii.
- mengieb:** (*meng`ieb*)
mengieb a mo er ngii a chieb;
besbas a mengieb er a medal;
choibengii; choieb.
- mengiechab:** (*mengiech`ab*)
mengiechab a meruul a blsibs;
mengiis a chiechab, chiechebengii
a chutem; chuiechab,
chiechebengel.
- mengiemum:** (*mengiem`um*)
mengiemum a menga odoim el
oldak er a lius me a meradel;
chiemum.
- mengii:** (*meng`ii*) (1)
mengii a omeu er ngii; bengel a lius.
- mengii:** (*meng`ii*) (2)
mengii a omeng er ngii; mengii a
medal a dokedekii, mertii; bengel
a mad.
- mengiil:** (*meng`iil*)
mengiil a olsingch; choieli;ii;
chemiil; chielel.
- mengiis:** (*meng`iis*) (1)
mengiis a kiesii; kmiis a chutem el
oba osib; kliis, kisel a chutem.
- mengiis:** (*meng`iis*) (2)
mengiis a melai a chesimer el oba
kiis; kiesii, kmiis; kisel a chesimer.
- mengikai:** (*mengik`ai*)
mengikai a olab a chimal me a
ochil el meius er a daob; koikiur a
cheroid, kikiul a toachel.
- mengikiid:** (*mengik`iid*) (1)
mengikiid a omechachau; kikidii a
idib me ng di kea udoud; koikiid
a olekang; kikidel.
- mengikiid:** (*mengik`iid*) (2)
mengikiid a omekbeches; melam e
melai a besbas er a beluu; kikidii a
rael el mo beches; kmikiid a blai, kikidel.
- mengikiid:** (*mengik`iid*) (3)
mengikiid a omekbeches er a
rengul; kikiid er a klengit; kikidel.
- mengikiis:** (*mengik`iis*)
mengikiis a telkib e mekudem el
mengiis; a babii a mengikiis er a
mekesokes.





mengikiongel

mengikiongel: (*mengiki`ongel*)
mengikiongel a omekngelengalek;
rullii a blai el mo kikiongel;
kikingelel.

mengikiongel: (*mengiki`ongel*)
mengikiongel a omekngelengalek;
rullii el mo kikiongel; kikingelii a
beluu; kikingelel.

mengikoi: (*mengik`oi*)
mengikoi a ngar a chei el melai a
kikoi.

mengilek: (*meng`ilek*)
mengilek a remurt el merengul;
rikarek, mengilek el mo kot er a
rurt.

mengilekelek: (*mengilek`elek*)
mengilekelek a choilkelek; odak a
cherouel a chimal e mengsoks;
choilekelek a bung; chilekelekel.

mengiloil: (*mengil`oil*)
mengiloil a melelem; choililii a
cherrungel el sils el urreor, chililel
a taem er a urreor.

mengilt: (*meng`ilt*) (1)
mengilt a nglilt; seliik er a buai;
ngiltii el mo merreder; ngmilt a
soal.

mengilt: (*meng`ilt*) (2)
mengilt a locha chilt er a bedengel;
chiltii a medal er a becheleleu;
chemilt a bedengel er a cheluch;
chitel.

mengim: (*meng`im*)
mengim a nglim el mla mengim el
mo diak; nguim, ngelmel a
mengur.

mengimd: (*meng`imd*)
mengimd a kimdii; kuimd a cheiul
el mo mekedeb; kemdel.

mengimekumek: (*mengimek`umek*)
mengimekumek a klou el a chat;
klou a ngau me a chat. a
mengimekumek.

mengimer: (*meng`imer*)
mengimer a melai, omeruud el oba
ongimer; chuimer a kboub,
chimerii a chesimer; chemerel.

mengimet: (*meng`imet*)
mengimet a mla mo diak; nglai a
ralm er a chelsel; nglimet a mlai;
rechad a mla mengimet el mo er a
bai; mla mo diak a chad er a blai.

mengimetemet: (*mengimet`emet*)
mengimetemet a choimetemet;
rengalek a ousekool el
mengimetemet a babier.

mengimkomk: (*mengimk`omk*)
mengimkomk a olab a bar el
melekedek; dokedekii,
chelimkomk er a bar; chimkemkel.

mengimut: (*mengim`ut*)
mengimut a omedechakl; koimut;
beldechakl; koimtengii er a
chutem, kimtengel a cheltelaol.

mengingiokl: (*mengingi`okl*)
mengingiokl a mereched e beot el
mo marek; mengingiokl el diokang.

mengiok: (*mengi`ok*)
mengiok a mengard; ta er a
bedengel a omelechosech el kall;
beab a mengiok a chemutii, kikii a
diokang, kiikiel.

mengiokl: (*mengi`okl*)
mengiokl a ngeliokl; mla mengiokl
a kukau; ngiklii; ngiokl, ngiklel a kukau.

mengiraro: (*mengir`aro*)
mengiraro a olekabes; choirreuii,
mseur el bedul eou; choiraro a
rechelel a iedel, chirreuel a rachel.

mengirebereg: (*mengireber`eb*)
mengirebereg a ngar a milkolk;
mereg e le ng diak a olbidel;
mengirebereg er a blai.

mengiremerem: (*mengirem`erem*)
mengiremerem a mengirebereg.

mengirocher: (*mengir`ocher*)
mengirocher a mengebirukel el mo
ko er a chirocher; choirocher a
cheiul; choircherii a chimal;
chirecherel.

mengiroir: (*mengir`oir*)
mengiroir a meruul el mo osisiu;
mengoir; merael el mengiroir er tir,
choiroir a bilir el mo osisiu, chirirel.





- mengirs:** (*meng`irs*)
mengirs a redil el bechiil er a diak el belual.
- mengirt:** (*meng`irt*)
mengirt a mengisb el oba chirt; chirtii, chemirt a uasech; mla mechirt; chertel a uasech.
- mengisb:** (*meng`isb*)
mengisb a melai el oba oliich me a ongisb; chesbel.
- mengiseksikd:** (*mengiseks`ikd*)
mengiseksikd a chosengsang; smakd, choiseksikd a kerreel; choimeluk, chiseksekd.
- mengisem:** (*meng`isem*)
mengisem a mengeduib.
- mengisemesem:** (*mengisem`esem*)
mengisemesem a omehull er ngii; choisemesemii a ngelekel; mechulii; choisemesem, chisemesemel.
- mengisemsum:** (*mengisems`um*)
mengisemesum a odekdak a cheldingel er a chim; choisemsum a cheldngelel a chimal; meruul a chisemsum.
- mengisemuk:** (*mengisem`uk*)
mengisemuk a mengchichuai; meduch el ousbech a kesai el udoud e kiei er a deurreng.
- mengisngull:** (*mengisng`ull*)
mengisngull a chelisngull; kesib a rengul e bluks a ngerel; choisngull a medal e dengchokl.
- mengisois:** (*mengis`ois*)
mengisois a meleketek; choisois a babier el mo er a bab; choisisii a blil; chelisois, chisisel.
- mengit:** (*meng`it*)
mengit a omet; ometeot; kitir; kmit a meringel er a bedengel.
- mengitakl:** (*mengit`akl*)
mengitakl a chad el mengoit er a chiklel; choiteklii, choitakl a chesols, chitekkel a derebechesiil.
- mengiteb:** (*mengit`eb*)
mengiteb a mechiuau el diak a berul; cheliteb; a mengiteb er a klebesei a mo smecher.
- mengitechel:** (*mengit`echel*)
mengitechel a meleakl; loa olitechel; ngar er ngii a soal me a chetil; bekilekiakl.
- mengitechut:** (*mengitech`ut*)
mengitechut a choitechetur; rullii el mo mechitechut; cheluodel a mengitechut; chelitechetul.
- mengitektik:** (*mengitekt`ik*)
mengitektik a ouedikel; melmesim; blai a mengitektik er a eolt me a desiu; oitektik a klalo.
- mengitengtik:** (*mengitengt`ik*)
mengitengtik a mengitektik.
- mengituuk:** (*mengit`uuk*) (1)
mengituuk a osiik a cheldechuul; mengedechuul, choituuk a telemall el mo ungil; choitukii el mo sebechel el mo er a skuul; chitukel.
- mengituuk:** (*mengit`uuk*) (2)
mengituuk a meloik; ouecharo el olab a klbochel; cheldebechel a mengituuk el meremang.
- mengiuch:** (*mengi`uch*)
mengiuch a oltuu er a ngera er a isngel; omsibs er a kerrekar; chuichiar a dingal; chuiuch a medal a ngikel; chichial a ding.
- mengiud:** (*meng`iud*)
mengiud a mengiuetokl; chemiud a selokel; chiuedii a chimal, chiuedel.
- mengiuert:** (*mengiu`ert*)
mengiuert a mengelebed; choiuertii a cheltelaol; choiuert a dellomel; chiuertel.
- mengiuies:** (*mengiu`es*)
mengiuies a koiues a ochil; kliues a ochil e omengur.
- mengiuetokl:** (*mengiuet`okl*)
mengiuetokl a mengiud a selokel; oiuetokl a chimal, oiueteklii, iueteklel.





mengiuetokl

mengiuetokl: (*mengiuet`okl*)

mengiuetokl a mengiud.

mengiul: (*mengi`ul*)

mengiul a meringel el melakt;
meringel el melbedebek; mochu er
a kodall e mengiul a rengul er a
betok el ududel me a chetemel.

mengiull: (*mengi`ull*)

mengiull a melai a chiull el cheled;
remechas a mengiull er a kereker.

mengiuongel: (*mengiu`ongel*)

mengiuongel a meruul a tekoi el
mo chetituokel; chiuongel a
lolterau e dirrek el chiuongel a
lomechar; di mo meringel a rokui
el tekoi.

mengiu: (*meng`iut*) (1)

mengiu a melaml e meriik; kiuatii
a blil, kmiut a rael; kutel a beluu.

mengiu: (*meng`iut*) (2)

mengiu a melungd el mo
mekekerei; mengiu a such; ko er
a melbotb.

mengkad: (*mengk`ad*)

mengkad a omekmad a beldoel;
kokad a belsel er a stoang;
kokedeii bank; kekedeel.

mengkangk: (*mengk`angk*)

mengkangk a omengkangk;
mengkengkii a bambuu; mkelii el
mo mechiuau; bengkengkel.

mengkar: (*mengk`ar*)

mengkar a kokerngii; kokar a blil a
kelebus; omtebechel; omes me lak
le metemall; kekerengel.

mengkas: (*mengk`as*)

mengkas a kukesur a mekekad;
kokas a ochil; mengertall a
mekekad; kokesur a chimal; kekesul.

mengkekereel: (*mengkeker`eel*)

mengkekereel a mekekakil el
mengereel.

mengkekerei: (*mengkeker`ei*)

mengkekerei a kmekerei; remuul
el mo mekekerei; kokeringii a kall
el mo diak luldirekorek,
kekeringil.

mengkeketut: (*mengkeket`ut*)

mengkeketut a mekekakil el mengetut.

mengkengkii: (*mengkengk`ii*)

mengkengkii a omengkangk er
ngii; mo blengkangk.

mengkerengel: (*mengkereng`el*)

mengkerengel a chad el mengkar
er ngii el blai.

mengklachel: (*mengkl`achel*)

mengklachel a mengeduard;
choklehelii; choklachel a ralm
er a butiliang; cheklechelel.

mengladikm: (*menglad`ikm*)

mengladikm a merael er a kadikm;
omuchel er a kadekmel.

mengladikm: (*menglad`ikm*)

mengladikm a merael el olsarech
er a kadikm; mengladikm er a
urreor; kidekmel.

menglangl: (*mengl`angl*)

menglangl a ta er a bedengel a
ringel el oumesingd el ringel er a
burek me a cheltechat.

menglasekl: (*menglas`ekl*)

menglasekl a merael el olsarech er
a katur; menglasekl a ongengel el
mlai a mekngit er a llechul a rael
er a Belau.

menglatur: (*menglat`ur*)

menglatur a menglasekl.

menglebokel: (*mengleb`okel*)

menglebokel a onglebokel; rullii el
mo klebokel e ungil; kobkelii a
ngloik.

menglii: (*mengl`ii*)

menglii a omangl er ngii;
torebengii el telkib; mangl a
omerael ele ng eolt.


menglikl: (*mengl`ikl*)

menglikl a mengelmolm; rullii el
mo mekelmolm; kileklii a
chebesal; kilikl; kileklel.

menglou: (*mengl`ou*)

menglou a rullii el kuk mo klou;
kilungii a ngerel; kilou a beltik el
reng; menglou a omeruul e
mengkekerei a omelekoii.



**mengmokm: (meng`okm)**

mengmokm a melebes, meluk el olab a uingel; kimokm a besebes; kimekmii, kimekmel.

mengobd: (meng`obd)

mengobd a obdii; melecholb er a dirk mlechell el tolechoi; melai a ngebdel.

mengoas: (mengoe`as)

mengoas a omekramek; locha ramek; koesengii, kmoeas a dellomel; koesengel.

mengoas: (meng`oes)

mengoas a mengochoes; mo kekerei; chemosii a omengelel; mengkekerei, cheloes a omengelel.

mengoi: (meng`oi)

mengoi a kmedii; kmoi a diak a telil; kmongii a chad er a bai; kmongii a mlai; kongel.

mengoir: (meng`oir)

mengoir a mengiroir; meruul el mo osisiu.

mengoit: (meng`oit)

mengoit a chemoit; ongakangk, diak lolai; chemoit a tekoi, choitii a skuul; chemoit a besbas; chitel.

mengokl: (meng`okl)

mengokl a oungeroel; choklii; choklterir el kirel a terrekakl el usbechel a mlai; cheklel.

mengol: (meng`ol) (1)

mengol a chemol; olab er a ongolngelel; mengol a kerrekar; chelngel.

mengol: (meng`ol) (2)

mengol a cheldebechel el dil el mo mengereker er a ta er a beluu; obengkel a sechal e melai a udoud; klomengelungel; mengelngel.

mengol: (meng`ol) (3)

mengol a ta er a ulekerreuil a kemeldiil; chellungel, ngalek er a blai a mengol; chelngel el beras; cholngii a sukal.

mengom: (meng`om)

mengom a melebes; mengimd; kuom a buuch; komngii, kemngel a buuch.

mengort: (meng`ort)

mengort a merort; dmort; melai a samk; kortii, kmort a kukau; kertel.

mengosm: (meng`osm)

mengosm a chosmii a beached; chuosm a kambalang el mo er ngii a ngerel; chesmel.

mengosu: (meng`osu)

mengosu a chosuii; meius er a kall; chemosu a seboseb; chesuel a uasech.

mengreos: (mengr`eos)

mengreos a mekreos; orreked; kireos a chutem; diak lorous; kiresii a udoud; keresel a chutem.

mengsang: (menges`ang)

mengsang a ta er a bedengel a udoud er Belau el kldait.

mengsechuul: (mengesech`uul)

mengesechuul a melai a chesechuul.

mengsous: (menges`ous)

mengsous a mengsoks; kiseksii; kious a diokang el mo telebtib; mengsous a deel; kksksel.

mengtii: (mengt`ii)

mengtii a omungt a chui.

menguached: (mengu`ached)

menguached a remuul el mo mechuached; chosul a ngikel a menguached a klengoes; chuchedel.

mengual: (mengu`al)

mengual a ta er a roel a omengemang; olab a techiir el melai a chemang.

mengub: (meng`ub) (1)

mengub a msa a klalo a redil el omsau er a rengul; chubur a klok, chuub a udoud; chebul.

mengub: (meng`ub) (2)

mengub a oldak a teblong; kuub a lius; klub; ombil er a ngloik.





mengubel

mengubel: (*meng`ubel*)

mengubel a oleitel; olechubel;
ochebelii a ralm; chuubel a ilumel;
chebelel.

mengubs: (*meng`ubs*)

mengubs a merechorech a sers me
a mesei; chubsii a sers; chuubs a
kukau; chebsel a mesei.

mengucheb: (*meng`ucheb*)

mengucheb a loia chucheb er ngii;
kerrekar a mengucheb a blai; chechebel.

menguchet: (*meng`uchet*)

menguchet a chuchetii a deb;
chemuchet a ongchutel; chechetel.

mengudel: (*meng`udel*)

mengudel a oldak; oldekdak;
chemudel a udoud; chudelii a
beluu e mengedecheduch; chedelel.

mengudem: (*meng`udem*)

mengudem a kuudem; remuul el
mo mekudem; diak le merames;
kudem a dait; kudemii; kdemel.

menguid: (*meng`uid*)

menguid a ta er a teletelel a
omelechosech; mengiok a mesulk
el kall; menguid er a rimel.

menguit: (*meng`uit*)

menguit a locha disech er ngii;
chuietii a sabau; chemuit a kim el
mo klou a chiut; chietel.

menguiu: (*meng`uiu*)

menguiu a omes; melelem;
chemuiu a mederir; chuiuii a
babier; chiuel.

menguk: (*meng`uk*)

menguk a kukur a ngalek;
mesisiich el omet er a bedengel el
olab a rsel a cheldingel; kmuk a
bedengel.

menguld: (*meng`uld*)

menguld a kuldii; kmuld a bedengel
el olab a kekul; keldel a ngalek.

mengull: (*meng`ull*)

mengull a oldanges; melengmes,
orrenge, kmull a llach, kullii a
chelid; mengull a ilteet me a
omerreder.

mengum: (*meng`um*)

mengum a omekmarek a kall er a
chelsel a chutem; mengum a
babii.

menguml: (*meng`uml*) (1)

menguml a chumlii; oltaut er a
ngau; chuuml a ngau; otutii a
ngau; chemlel.

menguml: (*meng`uml*) (2)

menguml a omalech a belochelel.

menguml: (*meng`uml*) (3)

menguml a omuchel, menguml a
melib a klakoad me a mekemad;
chemlel a mekemad.

mengungau: (*mengung`au*)

mengungau a bekerekard;
mengunau a ta er a bedengel a
udoud er a Belau;
ngungul.

mengunguuch: (*mengung`uuch*)

mengunguuch a nglunguuch; mla
ngunguchii; ungia rengul e le
ng mla mengunguuch;
ngunguchel.

menguodel: (*mengu`odel*)

menguodel a rullii el mo chuodel;
meringel el urreor a menguodel a
rechad.

menguoku: (*mengu`oku*)

menguoku a kiukuii; kioku a lius;
kluoku er a ngalek; kiukuel.

mengur: (*meng`ur*) (1)

mengur a rdechel a lius el ilumel.

mengur: (*meng`ur*) (2)

mengur a diak le meduch; mengur
el tuu, bobai.

mengur: (*meng`ur*) (3)

mengur a dioll; dirkak le kirel el
mechell; kesai a bilel.

mengurs: (*meng`urs*)

mengurs a kursii; oltamet; kmurs a
kerrekar; otamet.

mengurt: (*meng`urt*)

mengurt a mo mekngit a rengul e
di ngii el choridii er a soal; kurtii a
rengul; mekurt a rengul, okemetii
a rengul; kertel a reng.





- mengusem:** (*meng`usem*) (1)
mengusem a mesuld; chusemii a ngerel; chuusem a chimal; chesemel a ngerir.
- mengusem:** (*meng`usem*) (2)
mengusem a melai a chusem er a mesei; chusemii a bluu; chuusem; chesemel.
- mengut:** (*meng`ut*)
mengut a rullii el mo mechut; chutur; rechad a mla chutur a bai; chetul.
- menguteling:** (*meng`uteling*)
menguteling a merreder; ngar er uchei; oba omerreder er a urreor; menguteling er a mlai.
- menguum:** (*meng`uum*)
menguum a chuum ; omail a kall; chuemii a ngikel; menguum a babii; chumel.
- meob:** (*me`ob*) (1)
meob a omeob; mepii a blauang; bebeel a blauang a meob el mo er se el soal.
- meolt:** (*me`olt*)
meolt a cheberdil a lius; meltel.
- meoud:** (*me`oud*)
meoud a eoud; diak le mereched; eudel a omerael; meudang.
- merab:** (*mer`ab*) (1)
merab a ralm el cheldull e omaoch el tuobed er a chelechol.
- merab:** (*mer`ab*) (2)
merab a mlus er a chelebacheb.
- merach:** (*mer`ach*)
merach a melekoi el kirel a berotel el omeruul; te merach; te merach a babier a diak le kirel a merach.
- merad:** (*mer`ad*)
merad a melai; mengais; rodir a kebui, remad a bung, merad a kar; rdil a kar.
- meradel:** (*mer`adel*)
meradel a cheluchau.
- merader:** (*mer`ader*) (1)
merader a mesa el merael; ngoderii a sechelil; ngmader a omerael; ngederel.
- merader:** (*mer`ader*) (2)
merader a suumech a lleng; oluut a lleng el klalo; ngoderii a belatong; merader a babier; ngmader a olekang; ngederel.
- merael:** (*mer`ael*)
merael a omekebakes, omakes; merael el mong; omerolel.
- meraeldaob:** (*meraeld`aob*)
meraeldaob a mesisiich el berius er a ikrel, dailechei.
- meraeliolt:** (*meraeli`olt*)
meraeliolt a llitokl, mesisiich el eolt; diak el ulterkokl a uchul.
- meraelked:** (*meraelk`ed*)
meraelked a ta er a bedengel a udoud er a Belau, kldait.
- merakd:** (*mer`akd*)
merakd a smecher er a cheroll; sesmecher el chad; rekdell.
- merakl:** (*mer`akl*)
merakl a melai er a olekang; ngmakr a kukau; ngokrii a ngeliokl.
- meram:** (*mer`am*)
meram a oldak a kakerous e ruam; meram a beras er a sos me a cheluch; remul a kall.
- merames:** (*mer`ames*)
merames a diak le mekudem; chacheroid; remesel a dellomel el dait.
- merang:** (*mer`ang*)
merang a klemerang; diak le blulak; kedung a melekoi a merang.
- merangd:** (*meng`ad*)
merangd a ta er a bedengel a bad er a chei.
- merar:** (*mer`ar*) (1)
merar a ta er a bedengel a ngikel.
- merar:** (*mer`ar*) (2)
merar a mengeald a klengoes; rorengii, remar a kall; kmeald, koald; rerengel.
- merar:** (*mer`ar*) (3)
merar a chelbangel er a ringel; merar a medal er a kerrekeriil; rorengii; cheleleu a medal; rerengel.





merart

merart: (*mer`art*)

merart a ta er a bēdengel a omeruul; merart er a ruul el dui.

merasm: (*mer`asm*)

merasm a rosmii; ruasm; oba rasm el meruul a bail; merasm a bail; resmel.

merat: (*mer`at*) (1)

merat a rat; diak le chemadech; merat el kerrekar; rtul.

merat: (*mer`at*) (2)

merat a rengul; telirem a rengul; rotir a rengul; tomellii a rengul; rtul reng.

merau: (*mer`au*) (1)

merau a betok a ududel.

merau: (*mer`au*) (2)

merau a mekekerei el ngikel el ko er a mekebud; ngkelel a taoch.

meraud: (*mer`aud*)

meraud a ta er a teletelel a omelemosem; roudii a chelais; remaud a blil a rekung.

merbas: (*merb`as*)

merbas a ta er a bedengel a ngikel.

merdau: (*merd`au*)

merdau a mekouar, metongakl e kedelebuu e mesisiich.

merdekekl: (*merdek`ekl*)

merdekekl a melechesokl; ridekekl, ridekeklii a cheroid; ridekeklel.

merdelel: (*merdel`el*)

merdelel a meradel er ngii.

merderad: (*merder`ad*)

merderad a merad er tia me sei; rodir, remad a bung; rdil a bung.

merderd: (*merd`erd*)

merderd a mesarech; roderdii; roderd a bad; merderd er a osebokel; rderdel.

mereb: (*mer`eb*) (1)

mereb a osiik er a mlo dibus; mereb er a chad el mla er a blai; mereb er a idib.

mereb: (*mer`eb*) (2)

mereb a diak a olbidel, diak a otoel; diak a okal; mengirbereg er a ilkol.

merebek: (*mer`ebek*)

merebek a merutech er a diak lesang; osiik el oba orebek, robekii, ruebek a ochab; rebekel.

mereberab: (*mereber`ab*)

mereberab a mad el secher; dioll a mereberab a medal.

mereberek: (*mereber`ebek*)

mereberek a merreuaech; diak lomes e olab a chimal el osiik e merutech; roberebekii a olekang, mereberek a rdil; roberebek a blai, reberbekel.

mereberebet: (*mereber`ebet*)

mereberebet a mekudem el ruebet; iedel a mereberek; rebetel.

mereberii: (*mereber`ii*)

mereberii a omerober er ngii; melai el oba blekeu; bereberel a chutem.

merech: (*mer`ech*)

merech a osiik a rodel el mo ungil; meruul besul; rochur a delengcheklel; remech a udoud; rechul a delengchokl.

mereched: (*mer`eched*)

mereched a diak le meoud; mekekeam, meklekilt, orechedii a blai; oreched a urreor, rechedel.

merechedekl: (*mereched`ekl*)

merechedekl a meruul a rrechedekl; mengades a bad, merechedekl er a olbed.

merecherached: (*merecher`ached*)

merecherached a rengul; soal el omudech; recherechedel a rengul.

merecherechel: (*merecherech`el*)

merecherechel a merechorech a udoud me a klalo; recherchel.


merechii: (*merech`ii*)

merechii a omarech er ngii; dilechii a chimal er a ralm; merechii a chimal er a daob; berechel.

merechorech: (*merech`orech*) (1)

merechorech a melai a diak le kloleklel el diak el olturk; rucherii a bail, ruchorech a udoud; recherechel.



**merechorech: (merech`orech) (2)**

merechorech a ta er a bedengel a emull; ko er a baklild el mekedorem a llel me a chelechedal.

meredem: (mer`edem)

meredem a melecha er a ordemelel; rodemii a ebakl; ruedem a oles; rdemel a kamang.

mererii: (mere`ii)

mererii a omor er ngii; merekedii a chimal; ngalek a omor er a ulul er a ulaol.

merek: (mer`ek) (2)

merek a rrekui; merekong; ng mla mo merek a urreor; rekil a urreor.

merek: (m`erek) (3)

merek a omerek; merkii a babier, merek a mamed; berekel a babier.

merek: (m`erek) (4)

merek a chelmoll el kesai a bad er ngii.

merek: (mer`ek) (1)

merek a oldiu el oungeroel; mla rokengid e merael; kiei el merek er kid.

merekakl: (merek`akl)

merekakl a omerekakl; merekakl a kall; merekeklil, berkeklil a kelel.

merekang: (merek`ang)

merekang a mla mo marek; tuu a merekang; rekel.

mereked: (mer`eked)

mereked a omereked el ousbech a uid; merekedii a llechukl er a kboub; berkedel.

merekedii: (mereked`ii)

merekedii a omereked er ngii er a kboub.

merekeklil: (merekekl`ii)

merekeklil a omerkakl er ngii el kall; berkeklil a kall.

merekelel: (merekel`el)

merekelel a urrukel; mesechesechel; merekelel a blai.

merekerek: (merek`erek)

merekerek a omerekerek; merekerekii a miich, merekerek a uasech; urrekerek el uasech.

merekereked: (merekere`eked)

merekereked a ngar er ngii a reked, rekerekedel a merekos.

merekerekii: (merekerek`ii)

merekerekii a omerekerek er ngii; merekerek a uasech.

merekerukem: (merekere`ukem)

merekerukem a merreturech; ngar er ngii a rekerukem; teltelechel a uach a merekerukem; rukerekemii a blai.

merekii: (merek`ii)

merekii a omerek er a iluil el klalo; berekel a mamed.

merekos: (merek`os)

merekos a ngar er ngii rekos er ngii; sukal a merkos; rekesengel.

merekou: (merek`ou)

merekou a selengoes el riamel; ungil el olengel.

merekrakd: (merekre`akd) (1)

merekrakd a mechitechut a bedengel; sesmecher el chad; merekrakd e di omais er a beluu.

merekrakd: (merekre`akd) (2)

merekrakd el chemang a kmeed el olengui me ng medemedemek a bedengel.

merekui: (merek`ui)

merekui a mochu merek; merekui er a urreerel a blai; kmedu el mo merek.

merelii: (merel`ii)

merelii a omurch er ngii el oba beroel; omeroel er ngii; merelii a uel.

meremang: (merem`ang)

meremang a merael mei; ngar er a omerolel el mei; dumiang er a dmuil.

meremarech: (merem`arech)

meremarech a cheled el kebliil er a molech me a chederengor.

meremech: (mer`emech)

meremech a omet; ruemech a lius; remechel a kles el lius.





meremerames

meremerames: (*meremer`ames*)
meremerames a mekudem el ruames; mechelehold; rames; remesel.

meremerumes: (*meremer`umes*)
meremerumes a ruumes, mekudem el merumes el oba rasm.

meremet: (*mer`emet*)
meremet a oldak; ruemet a belsiich; remetel a telledou el brak.

meremram: (*meremr`am*)
meremram a odekdak a betok el kakerous; meremram a kall er a chimo el blatong; ruam a odoim er a ongraol me a kliou.

mereng: (*mer`eng*)
mereng a oureng a saul; omotech a reng; remeng a sulir.

merenged: (*mer`enged*)
merenged a oldak e melechet; mesaur, rongedii a chebechiil; remenged a biskang; renged a klausechelei.

merengel: (*mereng`el*)
merengel a mur er ngii; meruul er a klou el blengur el semesemel a deleuill; oumur.

merengelel: (*merengel`el*) (1)
merengelel a mekreos er ngii; cheleoch el ngalek; ngelekel a rengul a merengelel.

merengelel: (*merengel`el*) (2)
merengelel a meringel er ngii; meringel urreor; merengelel a urreor.

merengeringel: (*merenger`ingel*)
merengeringel a telkib el meringel; merengeringel a bedengek er a ulkokl.

merengii: (*mereng`ii*)
merengii a omar er ngii; mengesbad er ngii; berengel.

merenglang: (*merengl`ang*)
merenglang a mla mo meringel.

merenguus: (*mereng`uus*)
merenguus a mengilt a chiul er a cheluch; rungsii a bdelul; rengsel.

mererberebet: (*mererber`ebet*)
mererberebet a mekudem el ruebet; merberebet er a delebedeb; rebetel.

mererd: (*mer`erd*)
mererd a omdai el mo er bab; ngmerd a bangderang, ngerdel.

mererechorech: (*mererech`orech*) (1)
mererechorech a telkib e mekudem el merechorech; beot el merechorech.

mererechorech: (*mererech`orech*) (2)
mererechorech a beot e soal el ruchorech; ert a mererechorech er a rumk.

merereek: (*merer`eek*)
merereek a ngar er ngii a rrekel; orreek, merechorech a merereek.

merereu: (*merer`eu*)
merereu a omereberek a chimal; mengedecheduch el merereu a chimal.

mererorael: (*mereror`ael*)
mererorael a merael el diak lorrechd; mererorael er a chelechol.

merers: (*mer`ers*)
merers a melenget a sers; sorsii a blil; smers a rael; sersel a babii.

mererur: (*merer`ur*)
mererur a telikib el merur; rur er a rechad; rrengel.

mererur: (*merer`ur*)
mererur a telkib el merur.

meres: (*mer`es*)
meres a ta er a bedengel a udoud er a Belau.

mereu: (*mer`eu*) (1)
mereu a meluk e olab a chimal el mereu; ta el omereu a ta el rreongel; mereu er a blai.

mereu: (*mer`eu*) (2)
mereu a merutech er a diak losang; remengii a ochab; remeu a blil a rekung; rengel.

meribasech: (*merib`asech*)
meribasech a ngii di lebong; roibesechii a beluu; roibasech a blai el omed a udoud.



- meridechedech:** (*meridech`edech*)
meridechedech a merael
chelimkemmall; roidechedechii a
oreomel, roidechedech a
omeklochel.
- meridm:** (*mer`idm*)
meridm a melai; melebes; ridmii a
tuu, ruidm a oeng er a lius;
redmel.
- meriik:** (*mer`iik*) (1)
meriik a mengiut; remiik a besbas
el oba oriik; remiik a mekesokes.
- meriik:** (*mer`iik*) (2)
meriik a omes el mo e mei; remiik
a urreor; riekii a beluu el rokir.
- Meriil:** (*mer`iil*)
Meriil a chimo er a iungs er a
Belau el ngar er a dimes er a Oreor.
- meriim:** (*mer`iim*)
meriim a melukl; tuobed ngii me a
klolekkel; riemii a blai; ruiim a
klalo; riemel a klolekkel.
- meriked:** (*mer`iked*)
meriked a kmal mechesang; riked
er a urreor; meriked a chelsang.
- Merikel:** (*merik`el*)
Merikel a beluu el America;
mesuub a tekoi er a Merikel.
- merikikoi:** (*merikik`oi*)
merikikoi a chebebirukel; ko er a
medal a olecholech.
- merikl:** (*meri`kl*)
merikl a mesisiich e mekekeam e
bekeu; merikl a mengkar er a beluu.
- meringel:** (*mer`ingel*) (1)
meringel a ringel; meringel a
bedengel; chuarm a rengul;
meringel el urreor.
- meringel:** (*mer`ingel*) (2)
meringel a rodech el el bekerekard
el mengeberdebed a telemtemul;
meringel a bilakrei; meringel el
ilumel.
- meringel:** (*mer`ingel*) (3)
meringel a mekreos el chad;
cheleoch a meringel el ngalek;
meringel el chad e medei.
- meringelchad:** (*meringelch`ad*)
meringelchad a klebokel e ungil.
- meringelemel:** (*meringelem`el*)
meringelemel a chesebrenge;
secherel a reng; ringel el di
berrotel; ringel el ngar a emel.
- meringet:** (*mer`inget*)
meringet a klekedall el meringet;
ringetii; reminget a kall; uingel
a meringet; chesubech a diak
loringet.
- merir:** (*mer`ir*)
merir a rir; merir a mochu merat
el llel a kerekar; merir a bibrurek.
- merirais:** (*merir`ais*)
merirais mengisois el mo er bab;
roirisii a blil.
- merirek:** (*mer`irek*)
merirek a omes er ngii er a direk;
direkii a mes a mekgit er a chad e
melekoi; merirek a omerellel a
sechelil; dmirek; derekel.
- merireuero:** (*merire`uero*)
merireuero a klou el deurreng; tia
el telecheroll a merireueru er ngii
er a democratic system (rrodell)
- meririau:** (*meriri`au*)
meririau a orekedii e ouedikel er
ngii el mo e mei; ririur a kerrekar;
ririul.
- meriseksuk:** (*meriseks`uk*)
meriseksuk a mui; selechesech a
ngerel er a kall; meriseksuk el idib
a mui er a udoud.
- meriso:** (*mer`iso*)
meriso a melatech; risouii a ochil
er a ralm; remisio a chimal;
melebal; rsoel.
- meritech:** (*mer`itech*)
meritech a mecham er a melengel;
ritechii a kerrekar; remitech a deel.
- meritechetacheb:** (*meritechet`acheb*)
meritechetacheb a betok a techebel;
diak el meaiu; tacheb er a
meritechetacheb.
- merius:** (*mer`ius*)
merius a omerius; omechakl er a berius.



merkong

merkong: (*merek`ong*)

merkong a mla mo merek; rrekui, rekil a urreor.

merober: (*mer`ober*)

merober a omerober el oba klisiich; orrouk e melai; mereberii a udoud; merober a chutem, bereberel.

merodech: (*mer`odech*)

merodech a ngii di lomurech, ngii di lolekoi; remodech a ngikel; rodechii a merechorech me ng kongei.

merodel: (*mer`odel*) (1)

merodel a ngodechii a olsechall; remodel a klengoes, rodelii a olekang; rdelel.

merodel: (*mer`odel*) (2)

merodel nguu ngelekel a chad el mo ngelekel; rodelii a ngalek; redelal a tolochoi.

meroel: (*mer`oel*)

meroel a omeroel; murech a betok el ngikel el oba beroel; berelel.

merolang: (*merol`ang*)

merolang a tobeda el merael; skoki a merolang.

merolel: (*mer`olel*)

merolel a oderechelel a telechull er a kebekuul.

merolung: (*merol`ung*)

merolung a kmedu el merael; skoki a tobedung, ng merolung.

merorael: (*meror`ael*)

merorael a mererorael.

merorem: (*mer`orem*)

merorem a meruul el mo mekedorem; doremii a oles, duorem, merorem a kamang; deremel.

merorou: (*meror`ou*)

merorou a kakerous a bedengel el diich; sils oumerorou er a bebul a daob; rongel.

merort: (*mer`ort*) (1)

merort a mengort; kortii, kmort a kukau, dortii; dertel a kukau.

merort: (*mer`ort*) (2)

merort a dobesii; duebes; mesaod; merort er a chebechiil; dmort a besebes, dertel a chebechiil.

merot: (*mer`ot*)

merot a remot; martiliong a merot; rotengii a deel; rtengel a deel.

merous: (*mer`ous*)

merous a omii; rousii a babii; remous a beras, rusel a kall.

merrai: (*merr`ai*)

merrai a rullii el lmuut el mo meringel; dorir a bduu; dorai a terechel; merrai a kltkat.

merrakl: (*merr`akl*)

merrakl a mriid; remous; toreklii a blai; torakl a kall er a mechesang; tereklel a terekill el kall.

merrars: (*merr`ars*)

merrars a mengoit a basbas; sirsii a uulech; sirars a ochil; merreder a merrars er a ngerel.

merrau: (*merr`au*) (1)

merrau a ouemenged el olab a derau; merrau a meas.

merrau: (*merr`au*) (2)

merrau a meringel el osiik; merrau er a mlo dibus el buik.

merread: (*merre`ad*)

merread a meaiu a bedengel; ekebil a merread a bedengeel; merrengrang el kebui; merread el klidm.

merrechokl: (*merrech`okl*)

merrechokl a mei er eou; skoki a merrechokl el meremang, "di be meterechokl" telengtengil a ngloik.

merreder: (*merr`eder*)


merreder a kebekuul; oungerachel; menguteling a beluu; oba klemat er a urreor; bdelul a cheldebechel a merreder.

merredes: (*merr`edes*)

merredes a ringel er a buld; delulsils a merredes; merredes a ngerel a oberoed a ngerel el melekoi.



- merredirek:** (*merred`irek*)
merredirek a merirek; melumk,
melekoi a terechedir a rechad.
- merredorem:** (*merred`orem*) (1)
merredorem a merorem a oles.
- merredorem:** (*merred`orem*) (2)
merredorem a merorem; duorem a
medal, meloik e merredorem.
- merrekakl:** (*merrek`akl*)
merrekakl a diak longedmokl;
meterkakl a udoud; torekakl a kall;
terrekelel er a bedengel.
- merrekark:** (*merrek`arek*)
merrekarek a klou el melekoj;
meteet a subed el merrekarek er a
ngerel er a buai; dengerenger a
merrekark er a ngerel el melius.
- merrengang:** (*merreng`ang*)
merrengang a mla mo merur; rrengel.
- merrengel:** (*merreng`el*)
merrengel a kekerei el odos er ngii.
- merrengrang:** (*merrengr`ang*)
merrengrang a beches e meaiu;
diak el cherduch; ekebil a
merrengrang a bedengel.
- merresngang:** (*merresng`ang*)
merresngang a mocha merros a
malk; mochu tutau; merresenga
malk.
- merreter:** (*merr`eter*)
merreter a meritechetech; remurt;
merreter er a beluu el omed a udoud.
- merreturech:** (*merret`urech*)
merreturech a merurech; turechii a
ochil, tmurech a ochil er a ulaol,
terterechelel a ouach.
- merrirs:** (*merr`irs*)
merrirs a merrars; charem a merrirs
a osebekel el omekdirt.
- merriter:** (*merr`iter*)
merriter a omiich; tiriter a
klemerang; kerrekeriil a omiich el
osiik a cheludul a tekoi.
- merroaech:** (*merr`oaech*)
merroaech a osiik a klalo er a
milkolk; olab a chimal merroaech;
meiko a merael el merroaech.
- merroakl:** (*merro`akl*)
merroakl a merkerukem; roeklel a
belatong; rroakl er a uum.
- merrob:** (*merr`ob*) (1)
merrob a omechebecheb; merrob a
belatong; torob a olekng; terbengetel.
- merrob:** (*merr`ob*) (2)
merrob a omozech; merrob a ngeul
a uel el telkib; torebengii a unreor;
torob a bekal er a daob; terbengetel.
- merros:** (*merr`os*)
merros a ngerel a sechal el malk;
merresnga a malk,
omerresengel.
- merrubek:** (*merr`ubek*)
merrubek el oba orubek;
durebekii, merrubek a ochab er a
chemang; durubek a iisb,
derbekel.
- merrumk:** (*merr`umk*)
merrumk a klou el ngor; derremkel
a eolt; derremkel a derumk; mlai
a merrumk er a beluu.
- merrusii:** (*merrus`ii*)
merrusii a omerrous er
ngii; berrous.
- merruud:** (*merr`uud*)
merruud a melemall; torudii a blai;
toruud a mlai, terudel.
- mersad:** (*mers`ad*)
mersad a ta er a bedengel a ngikel.
- mersechokl:** (*mersech`okl*)
mersechokl a meses el merael mo e
mei; rusecheklii a beluu.
- merserasech:** (*merseras`ech*)
merserasech a beldebid er a rasech;
merserasech a chimal a milekodir
a chad.
- merseros:** (*merser`os*)
merseros a merael er a daob el soal
el remos; ros er ngii.
- merserusech:** (*merser`usech*)
merserusech a remusech a ongraol;
rsechel a belsiich.
- merterat:** (*merter`at*)
merterat a telkib el merat; merterat
a bedengel el chad a mesengaked.



merterot

merterot: (merter`ot) (1)

merterot a telkib el merot; rotengii, remot a deel.

merterot: (merter`ot) (2)

merterot a melaes; dmesii; oba sechelirir el merterot er ngii; rtertengel.

merterutech: (merter`utech)

merterutech a rutechii; ruterutech a bedengel a smecher, remutech.a klalo.

mertii: (mert`ii)

mertii a omart er ngii; bertel.

mertul: (mert`ul)

mertul a rat er ngii; merat, mertul a tuu, mertul a dait.

merudii: (merud`ii)

merudii a omeruud er ngii; ngubetii er a le ngar ngii; merudii a chesimer; berudel a chesimer.

merukel: (mer`ukel)

merukel a merous; omibii, merukel a kall er a Klobak; merukel a terekelir a Rubakldil.

merukem: (mer`ukem)

merukem a meruul el mo mekekerei; rukemii a berel; ruukem a udoud el \$100.00 el mo ders \$1.00.

merumes: (mer`umes)

merumes a suumes; oba sumes el merumes a ngeliokl; merumes a kukau, remesel a kukau.

meruoru: (meru`oru)

meruoru a msa eolt; meruoru el oba oruoru; riueruii a blai; riuruel.

merur: (mer`ur)

merur a ngar er ngii a leb er a bedengel; merur el mengedecheduch er a seked merur el meloik, rur, rrengel.

merurech: (mer`urech)

merurech a merreturech; turechii a ulaol; terechel a ulaol.

merurous: (merur`ous)

merurous a merous; omibii; betok el blii, rrurous, remurous a buuch; rurusel a buuch.

merus: (mer`us) (1)

merus a remus el oba kedorm; remus a ngikel el oba biskang, oba orus er a mud el merus; remus a mud; rsul a ngikel.

merus: (mer`us) (2)

merus a mesaod, remus a chetemel a mlad; rusur a mesei el klalodil; rsul a udoud.

merus: (mer`us) (3)

merus a omkar el olsiseb a kar; nurs a merus er a smecher, rsul a ngalek.

merusech: (mer`usech)

merusech a remusech a belsiich el oba chai; rusechii a chemelel; merusech e meleot; rselchel a chemachel.

merusecheualech: (meruscheu`alech)

merusecheualech a ta er a bedengel a ngikel.

merusii: (merus`ii)

merusii a omerius; omechakl erngii er a daob; berusel a ert.

merutech: (mer`utech)

merutech a mo bereked a chimal; rutechii, toktang a merutech a bedengel a smecher; rtechel.

meruu: (mer`uu)

meruu a mo ngmai a rirebet; remuu a lius; rouar a iedel, rual a lius.

meruul: (mer`uul)

meruul a mengedmokl; rullii a odoim; remuul a ungil el urreor; rellel.

mes: (m`es)

mes a omes; ng mla mes a betok el beluu; ues er a beluu, osengel a smecher.

mesab: (mes`ab) (1)

mesab a klebungel; sobngii; suab a kelel; bedaoch a mesab a ngikel, sebungel a ngikel.

mesab: (mes`ab) (2)

mesab a melai; omadel, suab a klab; mesab a kukau; sobngii, sebungel.

